



Ysgol Dyffryn Conwy

Polisi e-ddiogelwch e-safety Policy

Dyddiad Cymeradwyo / Date Approved

Dyddiad Adolygu / Review Date

POLISI'R YSGOL

Mae technolegau digidol wedi dod yn rhan anhepgor o fywydau plant a phobl ifanc, yn yr ysgol ac oddi allan i'r ysgol. Mae'r technolegau hyn yn arfau grymus sy'n cynnig cyfleoedd newydd bawb. Gellir defnyddio'r technolegau hyn i sbarduno trafodaeth, hybu creadigrwydd a gwella ymwybyddiaeth o gyd-destun i annog dysgu effeithiol. Dylai pobl ifanc fod â'r hawl i ddefnyddio'r rhyngwrwd yn ddiogel bob amser.

DIBEN Y CYTUNDEB DEFNYDD DERBYNIOL YW SICRHAU'R CANLYNOL:

- y bydd pobl ifanc yn ddefnyddwyr cyfrifol ac yn cadw'n ddiogel wrth ddefnyddio'r rhyngwrwd a thechnolegau digidol eraill at ddibenion addysgol, personol a hamdden.
- y caiff systemau a defnyddwyr yr ysgol eu gwarchod rhag camddefnydd damweiniol neu fwriadol a allai beryglu diogelwch y systemau a'r defnyddwyr.

Bydd yr ysgol yn ceisio sicrhau fod gan fyfyrwyr / disgyblion fynediad da at dechnolegau i wella eu profiad dysgu, ac yn sgil hynny, bydd yr ysgol yn disgwyl i'r myfyrwyr / disgyblion gytuno i fod yn ddefnyddwyr cyfrifol.

CYTUNDEB DEFNYDD DERBYNIOL

Deallaf fod rhaid i mi ddefnyddio systemau TGCh yr ysgol yn gyfrifol, i sicrhau na chaiff fy niogelwch i na diogelwch y systemau TGCh a defnyddwyr eraill eu peryglu.

I SICRHAU FY NIOGELWCH PERSONOL I:

- Deallaf y bydd yr ysgol yn monitro fy nefnydd o systemau TG, dyfeisiau a chyfathrebu digidol.
- Byddaf yn cadw fy enw defnyddiwr a fy nghyfrinair yn ddiogel - ni wnaf eu rhannu ag eraill, ac ni wnaf geisio defnyddio enw defnyddiwr a chyfrinair rhywun arall. Deallaf na ddylwn ysgrifennu na storio cyfrinair yn rhywle ble gallai rhywun arall ei ddwyn.
- Byddaf yn ymwybodol o "beryglon dieithriaid" pan fyddaf yn cyfathrebu ar-lein.
- Ni wnaf ddatgelu na rhannu gwybodaeth bersonol amdanaf i nac eraill pan fyddaf ar-lein (gallai hyn gynnwys enwau, cyfeiriadau, cyfeiriadau e-byst, rhifau ffôn, oedran, rhyw, manylion addysgol, manylion ariannol ac ati).
- Os byddaf yn trefnu i gwrdd â phobl rwyf wedi cyfathrebu â hwy ar-lein yn y byd all-lein, byddaf yn trefnu i wneud hynny mewn lle cyhoeddus a bydd oedolyn yn mynd gyda fi.
- Byddaf yn rhoi gwybod yn syth am unrhyw ddeunyddiau neu negeseuon annymunol neu anaddas neu unrhyw beth sy'n gwneud i mi deimlo'n anghyfforddus wrth ei weld ar-lein.

DEALLAF FOD GAN BAWB HAWLIAU CYFARTAL I DDEFNYDDIO TECHNOLEG FEL

ADNODD AC:

- Rwy'n deall mai defnydd addysgol yw prif ddiben systemau a dyfeisiau'r ysgol, ac ni wnafe eu defnyddio at ddibenion personol neu hamdden oni fyddaf wedi cael caniatâd.
- Ni wnafe geisio (oni byddaf wedi cael caniatâd) lawrlwytho neu lanlwytho ffeiliau mawr a allai arafu'r rhyngwyd ac atal defnyddwyr eraill rhag gwneud eu gwaith.
- Ni wnafe ddefnyddio systemau na dyfeisiau'r ysgol i chwarae gemau ar-lein, gamblo ar-lein, siopa ar-lein, rhannu ffeiliau neu ddarlledu fideos (e.e. Youtube), oni fyddaf wedi cael caniatâd gan aelod o staff i wneud hynny. (dylai ysgolion addasu'r adran hon yn unol â'u polisi ynghylch pob un o'r materion hyn)

BYDDAF YN YMDDWYN FEL RWYF YN DISGWYL I ERAILL YMDDWYN TUAG ATAF I:

Byddaf yn parchu gwaith ac eiddo pobl eraill ac ni wnafe gyrchu, copïo, symud na newid ffeiliau unrhyw ddefnyddiwr arall, oni fydd y perchennog yn gwybod am hynny ac wedi rhoi caniatâd i mi. Byddaf yn gwrtais ac yn gyfrifol pan fyddaf yn cyfathrebu ag eraill, ni wnafe ddefnyddio iaith gref, ymosodol nac anaddas, ac rwy'n gwerthfawrogi fod gan bobl eraill safbwyntiau gwahanol. Ni wnafe dynnu lluniau o neb na'u dosbarthu heb eu caniatâd.

RWY'N CYDNABOD FOD GAN YR YSGOL GYFRIFOLDEB I GYNNAL DIOGELWCH AC INTEGREDD Y DECHNOLEG Y MAE'N EI CHYNNIG I MI AC I SICRHAU FOD YR YSGOL YN RHEDEG YN EFFEITHIOL:

- Ni wnafe ddefnyddio fy nyfais/nyfeisiau personol fy hun yn yr ysgol oni byddaf wedi cael caniatâd i wneud hynny. Os byddaf yn defnyddio fy nyfais/nyfeisiau fy hun yn yr ysgol, rwy'n deall y bydd rhaid i mi ddilyn y rheolau sydd wedi'u cynnwys yn y cytundeb hwn, yn union fel pe bawn yn defnyddio offer yr ysgol.
- Rwy'n deall y peryglon ac ni wnafe geisio lanlwytho, lawrlwytho na chyrru unrhyw ddeunyddiau sy'n anghyfreithlon neu'n anaddas neu rai a allai niweidio pobl eraill neu beri gofid iddyn nhw, ac ni wnafe geisio defnyddio unrhyw raglenni neu feddalwedd a allai ganiatáu i mi osgoi'r systemau hidlo / diogelwch sydd yn eu lle i atal mynediad at ddeunyddiau o'r fath.
- Byddaf yn rhoi gwybod yn syth am unrhyw ddifrod neu namau yn ymwneud ag offer neu feddalwedd, waeth beth fydd wedi achosi hynny.
- Ni wnafe agor unrhyw hypergysylltiadau mewn e-byst nac unrhyw atodiadau sydd ynghlwm wrth e-byst onid wyf yn adnabod ac yn ymddiried yn yr unigol / sefydliad sy'n anfon yr e-byst hynny, neu os bydd gennyf bryder am ddilysrwydd yr e-bost (oherwydd y perygl fod firsau neu raglenni peryglus eraill yn yr atodiad).
- Ni wnafe osod na cheisio gosod na storio rhaglenni o unrhyw fath ar ddyfeisiau'r ysgol, ac ni wnafe geisio newid gosodiadau cyfrifiaduron.
- Byddaf yn defnyddio safleoedd cyfryngau cymdeithasol â chaniatâd yn unig ac ar yr adegau y caniateir i mi wneud hynny.

WRTH DDEFNYDDIO'R RHYNGRWD AT DDIBENION YMCHWIL NEU HAMDDEN, RWY'N CYDNABOD YCANLYNOL:

- Dylaf sicrhau fod gennyf ganiatâd i gynnwys gwaith gwreiddiol pobl eraill yn fy ngwaith fy hun
- Lle mae'r gwaith o dan hawlfraint, ni wnaf geisio lawrlwytho copïau (yn cynnwys cerddoriaeth a fideos)
- Pan fyddaf yn defnyddio'r rhyngrwyd i ganfod gwybodaeth, dylaf ofalu fy mod yn sicrhau fod yr wybodaeth y byddaf yn ei chyrchu yn gywir, oherwydd rwy'n deall y gall gwaith pobl eraill fod yn wallus, a gallai fod yn ymgais bwriadol i fy nghamarwain.

RWY'N DEALL FY MOD YN ATEBOL AM FY NGWEITHREDOEDD, YN YR YSGOL AC ODDI ALLAN I'R YSGOL:

- Rwy'n deall fod gan yr ysgol hawl i gymryd camau yn fy erbyn os byddaf yn rhan o ddigwyddiadau o ymddygiad annerbyniol sydd wedi'u cwmpasu gan y cytundeb hwn, pan fyddaf yn yr ysgol a phan fydd y digwyddiadau hynny yn gysylltiedig â fy aelodaeth o gymuned yr ysgol (byddai enghreifftiau yn cynnwys seibrfwlio, defnyddio delweddau neu wybodaeth bersonol).
- Rwy'n deall y byddaf yn wynebu camau disgyblu os na fyddaf yn cydymffurfio â'r Cytundeb Defnydd Derbyniol hwn. Gall hyn gynnwys colli'r hawl i ddefnyddio rhwydwaith yr ysgol / y rhyngrwyd, cyfnodau cosb, gwaharddiadau dros dro, cysylltu â fy rhieni, ac mewn achos o weithgareddau anghyfreithlon, ymyriad yr heddlu.

POLISI 'DEWCH Â'CH DYFAIS EICH HUN' (BYOD) YSGOL

Bydd perchnogion dyfeisiau sy'n eu cludo i'r ysgol yn gwneud hynny ar eu menter eu hunain, a defnyddwyr a'u rhieni/gofalwyr sy'n gyfrifol yn llwyr am gostau unrhyw golled neu ddifrod sy'n deillio o'u defnydd o unrhyw ddyfais yn yr ysgol.

- Nid yw'r ysgol yn derbyn unrhyw gyfrifoldeb nac atebolrwydd dros ddyfeisiau a gaiff eu colli, eu dwyn neu eu difrodi yn yr ysgol, neu wrth wneud gweithgareddau a drefnir gan yr ysgol.
- Nid yw'r ysgol yn derbyn unrhyw gyfrifoldeb am ddiffygion mewn unrhyw ddyfais oherwydd newidiadau a wneir i'r ddyfais tra bydd ar rwydwaith yr ysgol.
- Mae'r ysgol yn argymhell y dylid sicrhau fod y dyfeisiau yn hawdd i'w hadnabod a bod ganddynt flwch amddiffynnol i'w ddiogelu wrth eu cludo o amgylch yr ysgol. Dylid gosod codau mynediad neu rif adnabod personol ar ddyfeisiau personol i gynorthwyo i'w diogelu.
- Nid yw'r ysgol yn gyfrifol am gynnal a chadw dyfeisiau personol defnyddwyr, megis gwefru unrhyw ddyfais, gosod diweddariadau meddalwedd na datrys problemau caledwedd.

Ni chaniateir mynediad BYOD heb awdurdodi hynny trwy ddychwelyd bonyn caniatâd y Cytundeb Defnydd Derbyniol wedi'i gydlfnodi gan rieni/gofalwyr y myfyriwr.

- Mae disgwyl i ddefnyddwyr ymddwyn yn gyfrifol, diogel a pharchus yn unol â Cytundebau Defnydd Derbyniol presennol.
- Mae defnyddwyr yn gyfrifol am sicrhau y caiff eu dyfais ei diweddarau trwy gyfrwng diweddariadau meddalwedd, diogelwch ac apiau
- Mae defnyddwyr yn gyfrifol am wefru eu dyfeisiau eu hunain ac am ddiogelu a gofalu am y dyfeisiau hyn tra byddant yn yr ysgol

Llenwch yr adrannau ar y dudalen nesaf os gwelwch yn dda i nodi eich bod wedi darllen a deall ac yn cytuno â'r adrannau sydd wedi'u cynnwys yn y Cytundeb Defnydd Derbyniol. Os na fyddwch yn llofnodi a dychwelyd y cytundeb hwn, ni chaniateir i chi ddefnyddio systemau a dyfeisiau'r ysgol.

FFURFLEN DEFNYDD DERBYNIOL MYFYRWYR / DISGYBLION

Mae'r ffurflen hon yn gysylltiedig â'r Cytundeb Defnydd Derbyniol *myfyrwyr / disgyblion*, ac mae wedi'i hatodi wrth y ddogfen honno.

Llenwch yr adrannau isod os gwelwch yn dda i nodi eich bod wedi darllen a deall ac yn cytuno â'r adrannau sydd wedi'u cynnwys yn y Cytundeb Defnydd Derbyniol. Os na fyddwch yn llofnodi a dychwelyd y cytundeb hwn, ni chaniateir i chi ddefnyddio systemau a TGCh yr ysgol.

Rwyf wedi darllen ac rwy'n deall yr uchod ac rwy'n cytuno i ddilyn y canllawiau hyn:

- Pan fyddaf yn defnyddio systemau a dyfeisiau'r ysgol (yn yr ysgol ac oddi allan i'r ysgol)
- Pan fyddaf yn defnyddio fy nyfeisiau fy hun yn yr ysgol (pan ganiateir i mi wneud hynny) e.e. ffônau symudol, dyfeisiau chwarae gemau, camerâu ac ati
- Byddaf yn defnyddio fy offer fy hun oddi allan i'r ysgol mewn modd sy'n gysylltiedig â bod yn aelod o'r ysgol hon, e.e. cyfathrebu ag aelodau eraill yr ysgol, defnyddio system e-bost, rhith-amgylchedd dysgu neu wefan yr ysgol, ac ati.

Enw'r Myfyriwr / Disgybl

Grŵp / Dosbarth

Llofnod

Dyddiad

CYTUNDEB DEFNYDD DERBYNIOL RHINI / GOFALWYR

Mae technolegau digidol wedi dod yn rhan anhepgor o fywydau plant a phobl ifanc, o fewn yr ysgol a'r tu allan. Mae'r technolegau yma yn darparu teclynnau pwerus, sydd yn rhoi cyfleoedd newydd i bawb. Gallant ysgogi trafodaeth, hyrwyddo creadigrwydd ac ysgogi ymwybyddiaeth o gyd-destun i hyrwyddo dysgu effeithiol. Dylai pobl ifanc gael hawl i fynediad diogel i'r rhyngwrwd drwy'r adeg.

DIBEN Y POLISI DEFNYDD DERBYNIOL YMA YDY I SICRHAU:

- bod pobl ifanc yn ddefnyddwyr cyfrifol ac yn aros yn ddiogel wrth ddefnyddio'r rhyngwrwd a thechnolegau cyfathrebu fel arall ar gyfer defnydd addysgiadol, personol a hamddenol.
- bod systemau'r ysgol a'r defnyddwyr yn cael eu hamddiffyn o gamddefnydd damweiniol neu bwrpasol gall roi diogelwch y systemau a'r defnyddwyr mewn perygl.
- bod rhieni a gofalwyr yn ymwybodol o bwysigrwydd e-Ddiogelwch ac yn cymryd rhan yn addysgu ac arwain pobl ifanc yn eu hymddygiad ar-lein.

Bydd yr ysgol yn ceisio sicrhau bod myfyrwyr / disgyblion yn cael mynediad da i dechnolegau digidol i fwyhau eu dysgu a fydd, yn ei dro, yn disgwyl i'r myfyrwyr / disgyblion i gytuno bod yn ddefnyddwyr cyfrifol. Mae copi o Gytundeb Defnydd Derbyniol Myfyriwr / Disgybl wedi'i atodi i'r ffurflen ganiatâd yma, fel bod rhieni / gofalwyr yn ymwybodol o ddisgwyliadau'r ysgol o bobl ifanc yn eu gofal.

Mae disgwyl i rieni arwyddo'r ffurflen ganiatâd isod i ddangos eu cefnogaeth o'r ysgol yn yr agwedd bwysig yma o'u gwaith.

FFURFLEN CANIATÂD

Enw Rhiant / Gofalwr

Enw Myfyriwr / Disgybl

Fel rhiant / gofalwr o'r *myfyriwr / disgybl* uchod, rwyf yn rhoi caniatâd i'm mab / merch gael mynediad i'r rhyngwrwd ac i systemau TGCh yn yr ysgol

Rwyf yn gwybod bod fy mab / merch wedi arwyddo Cytundeb Defnydd Derbyniol ac wedi derbyn, neu am dderbyn, addysg e-Ddiogelwch i'w helpu i ddeall pwysigrwydd defnydd diogel o dechnoleg a'r rhyngwrwd - y tu mewn ac oddi allan i'r ysgol.

Arwyddwyd

Dyddiad

DEFNYDD DELWEDDAU DIGIDOL / FIDEO

Efallai bydd delweddau hefyd yn cael eu defnyddio i ddathlu llwyddiannau wrth gyhoeddi hynny mewn cylchlythyrau, ar wefan yr ysgol ac, ar brydiau, yn y cyfryngau cyhoeddus.

Bydd yr ysgol yn cydymffurfio gyda'r Ddeddf Diogelu Data ac yn gofyn caniatâd rhieni / gofalwyr cyn tynnu lluniau o aelodau'r ysgol. Byddem hefyd yn sicrhau pan fydd delweddau yn cael eu cyhoeddi, nad all adnabod y bobl ifanc wrth ddefnyddio eu henwau.

Mewn cytundeb ag arweiniad gan Swyddfa'r Comisiynydd Gwybodaeth, mae croeso i rieni / gofalwyr dynnu delweddau fideo a digidol o'u plant mewn digwyddiadau'r ysgol ar gyfer defnydd personol (gan nad yw'r fath ddefnydd yn cael ei grybwyll yn y Ddeddf Diogelu Data). I barchu preifatrwydd pawb, ac mewn rhai achosion i amddiffyn, ni ddylai'r delweddau yma gael eu cyhoeddi / gwneud yn gyhoeddus ar wefannau rhwydweithio cymdeithasol, ac ni ddylai rhieni / gofalwyr wneud sylwad ar unrhyw weithgareddau sy'n cynnwys myfyrwyr / disgyblion yn y delweddau digidol / fideo.

Gofynnir i rieni / gofalwyr arwyddo'r ffurflen caniatâd isod i ganiatáu'r ysgol i gymryd a thynnu delweddau o'u plant ac i'r rhieni / gofalwyr gytuno.

FFURFLEN CANIATÂD DELWEDDAU DIGIDOL / FIDEO

Enw Rhiant / Gofalwr
Enw Myfyriwr / Disgybl

Fel rhiant / gofalwr y myfyriwr / disgybl uchod, rwyf yn cytuno i'r ysgol gymryd a defnyddio delweddau digidol / fideo o'm mhlentyn / plant. Rwyf yn deall mai dim ond i gefnogi gweithgareddau dysgu neu mewn cyhoeddusrwydd sydd yn dathlu llwyddiant ac yn hyrwyddo gwaith yr ysgol yn rhesymol defnyddir y delweddau yma.

Ydw/
Nac ydw

Os ydw i'n tynnu delweddau digidol neu fideo mewn, neu o, - ddigwyddiadau'r ysgol sydd yn cynnwys delweddau o blant, heblaw am rai fi, rwyf yn cytuno byddaf yn cadw i'r canllawiau yma wrth ddefnyddio'r delweddau.

Ydw/
Nac ydw

Arwyddwyd

Dyddiad